

Barchaga g'amxo'rlilik – davlatning burchi

24
OKTABR 2021-YIL
**O'ZBEKISTON
PREZIDENTI
SAYLOVI**



Мақсуда Ворисова
ПРЕЗИДЕНТЛИККА
БЎЛҒУСИ НОМЗОД

МАҚСУДА АЗИЗОВНА ВОРИСОВА

1961 йилда тошкент шаҳрида туғилган. маълумоти – олий. 1984 йили тошкент давлат тиббиёт институтини тамомлаган. мутахассислиги – шифокор. оилали, уч нафар фарзанди бор. ўзбекистон хдп аъзоси.

Меҳнат Фаолиятини 1984 йилда тошкент давлат тиббиёт институти клиникасида бошлаган. 1987-2018 йилларда тошкент вилояти зангиота тумани “назарбек” қишлоқ врачлик пункти шифокори, 2013 йилдан ушбу поликлиника мудирини сифатида фаолият юритган.

2009–2014 йилларда халқ депутатлари зангиота туман кенгаши депутати, 2015-2019 йилларда халқ депутатлари тошкент вилоят кенгаши депутати, шунингдек, ўзбекистон республикаси олий мажлиси сенати аъзоси бўлиб, мамлакатимизни тараққий эттириш, халқимиз манфаатлари ҳимоясини кучайтиришга хизмат қиладиган қарорлар қабул қилинишида бевосита қатнашиб, улкан тажриба тўплаган.

2018 йилдан ўзбекистон халқ демократик партияси марказий кенгаши раиси ўринбосари, 2019 йилда

Олий мажлис қонунчилик палатаси депутати ҳамда фуқаролар соғлиғини сақлаш масалалари қўмитаси раиси ўринбосари, шунингдек, парламент қўйи палатасининг оила ва аёллар масалалари комиссияси раиси вазифаларида серқирра ва самарали меҳнат қилиб келмоқда.

2018 йилда I даражали “соғлом авлод учун” ордени билан мукофотланган.



ЯНГИЧА ҚИЁФА ВА ТАКТИКА БИЛАН ҒАЛАБА УЧУН КУРАШАМИЗ!



Олимпия ўйинларида делегациямиз 3 та олтин ва 2 та бронза медалини жамғариб, умумжамоа ҳисобида 206 мамлакат орасида 32-ўринни эгаллади. Осиё давлатлари орасида хитой, япония, корей республикаси ва эрон каби спортда етакчи давлатлардан кейин бешинчи, мдх мамлакатлари орасида россия олимпия қўмитасидан кейин иккинчи, туркий давлатлар орасида ва марказий Осиё минтақасида биринчи бўлди.

Ишонч билан айтиш керакки, бўлажак Президент сайлови партиялараро рақобат, фуқароларнинг сиёсий ва фуқаролик фаоллиги кучайиб бораётган шароитда ўтади.

11-avgust, chorshanba, 2021-yil.
№30 (32672)

ЯНГИЧА ҚИЁФА ВА ТАКТИКА

Марказий сайлов комиссияси томонидан жорий йилнинг 23 июль кунидан бошлаб Ўзбекистон Республикаси Президенти сайлови бўйича сайлов кампаниясига старт берилди.

7 август куни пойтахтимизда бўлиб ўтган Ўзбекистон Халқ демократик партияси Марказий Кенгашининг IV пленумида Ўзбекистон Республикаси Президенти сайловида партиянинг муносиб иштирокини таъминлаш билан боғлиқ муҳим масалалар кўриб чиқилди.

Пленумда бу йилги сайловда Ўзбекистон Халқ демократик партиясидан Ўзбекистон Республикаси Президентлигига бўлажак номзод кўрсатиш, партиянинг навбатдаги қурултойини чақириш ва унинг кун тартиби, партия қурултойига вакиллик меъёри ва уларни сайлаш тартиби тўғрисидаги масалалар муҳокама этилди.

Халқ демократик партиясининг Ўзбекистон Республикаси Президенти сайловида иштироки тўғрисидаги масала юзасидан партия Марказий Кенгаши раиси Улуғбек Иноятов сўзга чиқди.

— Аввало таъкидлаш керакки, давлат ҳокимиятини эркин ва ошқора, муқобиллик асосида ўтадиган сайловлар орқали шакллантириш демократиянинг олий кўринишидир. Фуқаролар сайлов орқали давлат бошқарувида ўзининг овози, сиёсий иродаси билан бевосита иштирок этади.

Сайлов кодекси сиёсий партияларга давлат бошқарувини ташкил этиш, ғоя ва мақсадларини кенг ҳамда эркин тарғиб қилиш имкониятини беради. Сайловчилар сиёсий иродасини билдиришда бир қатор қўлай шароит ва имкониятларга эга бўлади.

Қонунчиликда Президент сайловини мамлакатимиз фуқаролари умумий, тенг, тўғридан-тўғри сайлов ҳуқуқи асосида яшрин овоз бериш йўли билан амалга оширишлари белгилаб қўйилди. Ушбу соҳада қабул қилинган қонун ҳужжатлари фуқароларнинг сайлов ҳуқуқларига сўзсиз риоя этиш, сайловчиларга сиёсий хоҳиш-иродасини эркин билдириш учун зарур шарт-шароитлар яратиш, Президентликка номзод кўрсатадиган сиёсий партияларга эса сайлов кампанияси давомида кенг ва тенг имкониятлар бериш тамойилларига асослангани билан аҳамиятлидир.

Юқоридагиларга асосан ишонч билан айтиш керакки, бўлажак Президент сайлови партиялараро рақобат, фуқароларнинг сиёсий ва фуқаролик фаоллиги кучайиб бораётган шароитда ўтади. Президент Ўзбекистон Республикаси давлат бошқарувидаги энг муҳим лавозимдир. Шу маънода сайлов нафақат номзодлар, сиёсий партиялар учун, балки сайловчилар, яъни халқимиз учун ҳам катта синов, улкан имкониятдир.

Агар таққослаб кўрадиган бўлсак, одамларнинг бугунги дунёқароши билан бундан 5-10 йил олдинги тушунча ва тасаввур орасида ер билан осмонча фарқ бор. Ҳозир фуқаролар сайлов тизими ва тартибини, ўзининг сайлаш, сайланиш ҳуқуқини яхши идрок этади. 2019 йил парламент ва маҳаллий Кенгашларга ўтказилган сайловлар фуқароларда сиёсий ирода ва талабчанлик ўсганини яққол кўрсатди, деди партия етакчиси.

Сиёсий партиянинг жамиятдаги нуфузи ва роли унинг электорат манфаатларини қай даражада ҳимоя қилаётгани, жойлардаги муаммоларнинг ечими юзасидан қандай ташаббуслар билан чиқаётганига қараб белгиланади, албатта.

Жорий йилги сайловда партиянинг иштироки тўғрисидаги масала 27 июль куни ХДП Марказий Кенгаши Ижроия кўмитасининг мажлисида кўриб чиқилди. Мамлакатимиз ҳаётидаги улкан сиёсий ва тарихий жараён, яъни Президентлик сайловида партияимизнинг муносиб иштирокини таъминлаш бугунги кундаги энг муҳим сиёсий вазифа, деган қарор қабул қилинди.

Сайлов Кодексининг 34-, 69-моддаларига мувофиқ, сайлов комиссиясининг мажлисларида иштирок этиш ҳамда партия манфаатларини ифодалаш бўйича партияимиз Марказий Кенгаши раиси ўринбосари Улуғбек Назарович Вафоев партиянинг ваколатли вакили этиб белгиланди.

Сайлов кодексининг 63-моддасига мувофиқ Марказий сайлов комиссиясига партиянинг Президент сайловида иштирок этиши юзасидан жорий йилнинг 15 август кунига қадар ариза билан мурожаат этиш масаласида бир қарорга келиш кераклиги қайд этилди.

Партия етакчиси Президент сайловида Халқ демократик партиясидан номзод кўрсатиш масаласига атрафлича тўхталиб ўтди.

— Энг аввало шунга таъкидлаш керакки, қарийб ярим миллиондан ортиқ партиядошларимиз орасида юқори даражадаги давлат бошқарув органлари раҳбарлари, сиёсат ва жамоат арбоблари, ўз соҳасининг етук мутахассислари, бир сўз билан айтганда, юртимиз равнақи ва тараққиётига салмоқли ҳисса қўшиб келаётган шахслар жуда кўп, деди партия раиси.

Жаҳон тажрибаси ва партияимизнинг 30 йиллик сиёсий майдондаги фаолияти,

тўплаган тажрибаси ҳамда сиёсий қарашларини эътиборга олган ҳолда, партия Марказий Кенгаши Ижроия кўмитаси аъзолари партия фаоллари билан маслаҳатлашиб, кўплаб таклифларни ўргандик.

Партия Уставининг 6-боб, 6-бўлим, 5-банди талабларидан келиб чиқиб, партиянинг қурултойига Ўзбекистон Республикаси Президентлигига бўлажак номзоди этиб Ўзбекистон Халқ демократик партияси Марказий Кенгаши раиси ўринбосари, Қонунчилик палатаси депутати, Фуқароларнинг соғлигини сақлаш масалалари кўмитаси раиси ўринбосари Мақсуда Азизовна Ворисованинг номзодини кўрсатиш таклиф этилмоқда, деди ХДП раиси У.Иноятов.

Шундан сўнг номзод ҳақидаги маълумотлар тақдим этилди.

Мақсуда Ворисова қатъий сиёсий иродага эга, жамият манфаатини ҳамма нарсадан устун қўйишдек фазилат соҳибаси, фидойи раҳбар сифатида партияимизнинг кўп минг сонли аъзолари ва халқимиз ўртасида катта ҳурмат, эътиборга эга. У Халқ демократик партиясининг электорати бўлган эҳтиёжманд фуқароларни сифатли тиббий хизмат билан таъминлашда бирламчи бўғинда узоқ йиллар фидойилик кўрсатган. Унинг таклифлари ва шахсий ташаббуси асосида Олий Мажлис Қонунчилик палатасида Аҳоли саломатлигини мустаҳкамлаш борасидаги ислохотларни ҳаётга тадбиқ этиш бўйича Парламент комиссияси ташкил қилинган. Ўзбекистон Халқ демократик партияси фракцияси ушбу комиссияни самарали фаолият олиб боришга масъул этиб белгиланган. М.Ворисова кўп йиллик депутатлик, сенаторлик фаолияти давомида давлат ва жамият бошқаруви, ички ва ташқи сиёсат, ҳуқуқ ва ижтимоий ҳимоя масалаларида улкан тажриба тўплаган, халқ ҳақида ғамхўрлик қилувчи, тажрибали сиёсатчи аёллардан биридир.

Мақсуда Азизовна Ворисовани Президент сайловида номзод сифатида кўрсатишимиз партияимиз тарихида янги саҳифа очади, Халқ демократик партиясидан Президентлик учун биринчи аёл номзод бўлади, деди Улуғбек Иноятов.

Партия Марказий Кенгаши Ижроия кўмитаси аъзолари, фаоллар ҳамда фахрийларининг таклиф ва истаklarини эътиборга олиб, Мақсуда Азизовна Ворисованинг номзодини бўлажак Президент сайловидаги номзод сифатида кўрсатиш ҳақидаги масалани партиянинг қурултойига қиритиш юзасидан таклиф билдирилди.

Пленум аъзолари ушбу таклифни бир овоздан қўллаб-қувватлади.

Партиянинг XII қурултойини 2021 йилнинг сентябрь ойида Тошкент шаҳрида чақириш белгиланди.

Қурултой кун тартибидан "Ўзбекистон Халқ демократик партиясидан Ўзбекистон Республикаси Президентлигига номзод кўрсатиш тўғрисида"ги ҳамда "Ўзбекистон Халқ демократик партиясидан Ўзбекистон Республикаси Президентлигига номзоднинг сайловолди дастури тўғрисида"ги масалалар ўрин оладиган бўлди.

Партия Уставида мувофиқ, партия қурултойини чақириш, таклиф этилаётган кун тартиби, вакиллик меъёри ва делегатларни сайлаш тартиби тўғрисидаги қарорларни

қабул қилиш партия Марказий Кенгаши пленуми ваколати ҳисобланади. Шунга эътиборга олган ҳолда, партиянинг XII қурултойига делегатларни сайлашнинг вакиллик меъёри Қорақалпоғистон Республикаси, ҳар бир вилоят ва Тошкент шаҳар партия ташкилотларидан тенг миқдорда – 7 делегат, жами 98 делегат этиб белгилаш таклифи маъқулланди.

Коронавирус пандемияси ҳамда юртимиздаги карантин қоидаларини эътиборга олган ҳолда, минтақавий партия кенгашларига жорий йилнинг 23-27 август кунлари тегишли пленумларини чақириб, партиянинг XII қурултойига делегатлар сайлаш тўғрисидаги масалани кўриб чиқиш белгиланди.

Пленумда партия раиси яна бир долзарб масалага алоҳида эътибор қаратди:

— Ҳаёт, тараққиёт бир жойда тўхтаб қолмайди. Шубҳасиз, жамиятда барча муносабатлар муайян даражада ўзгариб, ўзида замонавий талабларни акс эттириб боради. Биздан ҳам электоратимиз вакиллари, аъзоларимиз, халқимиз янги иш усуллари, янги ғоя, дастур, рамз ва чақириқларни кутишмоқда.

27 июль кунги Ижроия кўмитасида партияимизнинг ребрендинг қилиш, унинг сиёсий брендини яратиш бўйича бир қатор таклифлар илгари сурилди. Партиядошларимиз, фаолларимиз ва мутахассислар қўллаб-қувватлаган янги логотип параллелограмм шаклида бўлиб, бинафша ва оқ рангда акс эттирилган.

Рамздаги бинафша ранг – меҳр-оқибат, фаровонлик, саховат рамзи бўлиб, етакчилар, лидерлар ранги ҳисобланади. Ушбу ранг партия ўз электорати вакиллари манфаатини ҳимоя қилишга, уларнинг орзу-интилишларини рўёбга чиқаришга ва қўллаб-қувватлашга доимо тайёр эканига ишорадир.

Оқ ранг – мамлакатимизда тинч ва осуда ҳаёт ҳукм сураётганлигини билдириб, ижтимоий бирдамлик, аъналарга содиқлик, поклик ва эзгуликни ифодалайди.

Президент сайлови кампаниясининг ҳал қилувчи, энг қизғин жараёнларига янги ғоя ва ташаббуслар, янги қиёфа, кўтаринки кайфият билан кириб бормоқдамиз.

Олдимизда жуда масъулиятли ва шарафли вазифалар турибди.

Уларнинг ижросини юқори савияда, бир тану бир жон бўлиб, уюшқоқлик билан таъминлашимизга ишонман, деб таъкидлади партия Марказий Кенгаши раиси У.Иноятов.



